

Disposición adicional única. *Modificación da Lei de axuízamento criminal.*

Un. Modifícase o número 1 do artigo 962 da Lei de axuízamento criminal, que queda redactado nos seguintes termos:

«1. Cando a policía xudicial teña noticia dun feito que presente os caracteres de falta tipificada nos artigos 617 ou 620 do Código penal, sempre que o ofendido sexa algunha das persoas ás que se refire o artigo 153 do mesmo código, así como no artigo 623.1 do Código penal cando sexa flagrante, o axuízamento do cal corresponda ó xulgado de instrución ó que se debe entrega-lo atestado ou a outro do mesmo partido xudicial, procederá de forma inmediata a citar ante o xulgado de garda as persoas indicadas nos ordinais 3.^a e 4.^a do artigo 796. Ó face-la dita citación aperciбирase as persoas citadas das respectivas consecuencias de non compareceren ante o xulgado de garda. Así mesmo, serán aperciбidas de que se poderá celebra-lo xuízo de faltas de forma inmediata no xulgado de garda, mesmo que non comparezan, e de que deben comparecer cos medios de proba de que se tenten valer. O denunciante e o ofendido ou prexudicado serán informados dos seus dereitos nos termos previstos nos artigos 109, 110 e 967.»

Dous. Modifícase o número 2 do artigo 962 da Lei de axuízamento criminal, que queda redactado nos seguintes termos:

«2. A persoa denunciada será informada sucintamente dos feitos en que consista a denuncia e do dereito que a asiste de comparecer asistida de avogado. Esta información practícarase, en todo caso, por escrito.»

Tres. Suprímese o número 2 do artigo 963 da Lei de axuízamento criminal, pasando o número 3 deste mesmo precepto a constituí-lo número 2.

Catro. Modifícase o número 1 do artigo 964 da Lei de axuízamento criminal, que queda redactado nos seguintes termos:

«1. Nos supostos non previstos polo artigo 962, cando a policía xudicial teña noticia dun feito que presente os caracteres de falta tipificada no libro III do Código penal ou en leis especiais, formará de maneira inmediata o correspondente atestado, que remitirá sen dilación ó xulgado de garda. Este atestado recollerá as dilixencias practicadas, así como o ofrecemento de accións ó ofendido ou prexudicado, practicado conforme os artigos 109, 110 e 967.»

Disposición derradeira primeira. *Carácter da lei.*

O artigo terceiro e a disposición adicional única desta lei orgánica teñen carácter de lei ordinaria.

Disposición derradeira segunda. *Entrada en vigor.*

Esta lei orgánica entrará en vigor o día seguinte ó da súa publicación no «Boletín Oficial del Estado».

Por tanto,

Mando a tódolos españois, particulares e autoridades que cumpran e fagan cumprir esta lei orgánica.

Madrid, 27 de maio de 2003.

JUAN CARLOS R.

O presidente do Goberno,
JOSÉ MARÍA AZNAR LÓPEZ

**MINISTERIO DE AGRICULTURA,
PESCA E ALIMENTACIÓN****10621** *CORRECCIÓN de erros do Real decreto 373/2003, do 28 de marzo, de medidas urxentes no sector vitivinícola. («BOE» 127, do 28-5-2003.)*

Advertido erro no Real decreto 373/2003, do 28 de marzo, de medidas urxentes no sector vitivinícola, publicado no «Boletín Oficial del Estado», suplemento número 7 en lingua galega, do 1 de maio 2003, procédese a efectua-la oportuna rectificación:

Na páxina 1059, segunda columna, no anexo I, Comunidade Autónoma de Castilla-La Mancha, onde di: «Albacete... 27 hl/ha», debe dicir: «Albacete... 28 hl/ha»; e onde di: «Ciudad Real... 29 hl/ha», debe dicir: «Ciudad Real... 30 hl/ha».

XEFATURA DO ESTADO**10715** *LEI 16/2003, do 28 de maio, de cohesión e calidade do Sistema Nacional de Saúde. («BOE» 128, do 29-5-2003.)*

JUAN CARLOS I

REI DE ESPAÑA

Saiban tódolos que a viren e a entenderen que as Cortes Xerais aprobaron e eu sanciono a seguinte lei.

EXPOSICIÓN DE MOTIVOS

I

A Constitución española de 1978, no seu artigo 41, afirma que os poderes públicos manterán un réxime público de Seguridade Social para tódolos cidadáns que garanta a asistencia e as prestacións sociais suficientes ante situacións de necesidade; así mesmo, no seu artigo 43 recoñece o dereito á protección da saúde e encoméndalles ós poderes públicos organizar e tutela-la saúde pública a través de medidas preventivas e das prestacións e servizos necesarios.

Igualmente, o artigo 38.1.a) da Lei xeral da Seguridade Social inclúe dentro da acción protectora do ámbito da Seguridade Social «a asistencia sanitaria nos casos de maternidade, de enfermidade común ou profesional e de accidentes, sexan ou non de traballo».

Por outra parte, o título VIII do texto constitucional deseñou unha nova organización territorial do Estado que posibilitaba a asunción polas comunidades autónomas de competencias en materia de sanidade, reservando para aquel a regulación das bases e a coordinación xeral da sanidade.

A Lei 14/1986, do 25 de abril, xeral de sanidade, deu resposta e desenvolvemento a estas previsións constitucionais, establecendo os principios e criterios substitutivos que permitiron configura-lo Sistema Nacional de Saúde: o carácter público e a universalidade e gratuidade do sistema; a definición dos dereitos e deberes de cidadáns e poderes públicos neste ámbito; a descentralización política da sanidade; a integración das dife-